

Nyaeb Gyaeqgaeq

捡鸡蛋

Mwh hanzgya, gou bae ranzcoj lajmbanj yawj daxgoeng dxbuz baenz bi mbouj raennaj haenx, hawj gou liuh mbouj daengz dwg, ranz daxgoeng gingqyienz ciengx miz caet duz gaeqmeh, caemhcaiq gaenq hainduj okgyaeq lo.

Vihliux hawj gyoengq gaeq neix lai okgyaeq, gou yaek ganq ndei gij gaeqmeh neix. Gou moix ngoenz cungj bae gyanghongh geqgeq gij soqliengh gaeq neix, lij yaekaeu bauj aendou rongzgaeq hai dwk, fuengbienh

gyoengqde okgyaeq. Gou lij dawz gij ndok moix baez gwn lw haenx dub mienz le, hoed youq ndaw haeuxgaeq gueng duz gaeqmeh geq gwn, maqmuengh gyoengqde maj ndaej bizbwdbwd bae.

Miz ngoenz ndeu haetromh, gou fatyienh duz gaeqmeh ndeu cingqcaih okgyaeq, gvaq aen cung ndeu, duz gaeqmeh neix numqnene byaij okdauj lo, yienghneix, gou angqfwngfwng buet gvaqbae nyaeb gyaeqgaeq, gou baez hai rongzgaeq, doeksaetyat,

gingqyienz miz song aen gyaeqgaeq aen hung aen iq baij youq dangqnaj gou, aen iq haenx ngamq miz mehfwngz baenzhaenx hung. Gou hemqyatyat buet daengz dangqnaj dxbuz, dawz fwngz yo youq raeb-laeng, sing gok naeuz: “Mwngz nanq-nanq gou nyaeb ndaej geijlai aen gyaeqgaeq?” “Aen ndeu be.” Daxbuz riu naeuz, “Deng mbouj deng?” “Loek lo, dwg song aen. Duz gaeqmeh neix ak raixcaix!” Gou gaijcingq naeuz. “Caen dwg ha? Cungj saeh neix gig

noix raen ho! Vaiq dawz gyaeqgaeq cuengq hauej ndaw bat bae, gaej deng dek lo.” Daxbuz daengq gou. “Baenz ha!” Gou dingq vah dawz gyaeqgaeq mbaeumbengmbeng cuengq hauej ndaw bat bae.

Sijsaeq baez geq, aen hanzgya neix, gou nyaeb ndaej bak lai aen gyaeqgaeq ne! Caen dwg soundaej rimmwdmwd!

(Gauh Cihyenz raiz; Goenggen hoiz)



Neix Couh Dwg Gou

这就是我

贵港市覃塘区蒙公镇高占小学三年级 Gyaj Ginhyen/贾金艳

Dahsau neix aen ndang reuxredred, bi neix ndaej 9 bi, bienx song diuz bnwyienz ndaemndet raezrangrang, doiq lwgda ronghliklik, gwnz hangzgauq miz aen rei ndaemndet ndeu, dahsau neix couh dwg gou.

Gou gig gyaez yawj densi. Yawj seiz, gou youh bae daengz baihnaj densi yawj. Daxmeh heuh gou liz densi gyae di yawj, gou cijndaej naengh youq gwnz sahfaz yawj, hoeng baez yawj daengz mizyinx seiz, gou youh gikdoengh dwk ndwn hwnjdauej, lij diuq roengz sahfaz dauej, yied yawj yied gyawj lo. Daxmeh hozndat dwk naeuz: “Mwngz caiq yienghneix yawj densi, yaek bienq baenz seiq aen lwgda lo, aeu daiq aen nganxgingq iq dem.” Gou riuhehe naeuz: “Daxmeh, mwngz yaeuh lwgnyez.” Daxmeh nyinhcaen naeuz: “Mbouj saenq, mwngz couh caj yawj mbat ndeu.” Seizneix gou doeg daengz sam nienzgaep, caen dahraix, gou daiq hwnj fouq nganxgingq iq lo, gyoengq doengzhag lij heuh gou dah “seiq da” ne. Vah bouxlaux cungj gangj: Mbouj dingq vah bouxlaux, gwnvei youq dangqnaj. Gou caen wngq gawq vah neix lo. Gou caen ienqloek, mbouj rox bae gizlawz bauq hauejhongx ha!

Gou lij gyaez diuqfoux. Youq ndaw ban dou suenq gou cei q rox diuqfoux. Bi neix ciet 6 • 1, gou guh boux lingxfoux ndaw ban, hwnjdaiz byaujyenj seiz, daengx ciengz bouxyawj laj daiz bekwngz yiengjifofo, ban dou ndaej daih’it mingz lo, daihgya cungj haenx gou.

Gou lij gyaez lienh aen ndangdaej, lumjbaenz diuq-cag ha, dwk binghbanghgiuz ha. Hagsib cingz sik youq ndaw ban hix mbouj it couh ngeih ne.

Neix couh dwg gou, daihgya nyienh caeuq gou guh baengzyoux lwi?

(lauxsae son’gyauq Cinz Cinhdonz/覃珍团)

Lwgvuengziq



bouxraiz Swng’aihgwzsuhbeilij

bouxhoiz Luz Fwncangz

圣埃克苏佩里 著 卢奋长 译

Lwgvuengziq ninz ndaek gvaq, gou couh umj de hauej ndaw rungj dauej, laebdaeb byaijloh moq. Gou simrauej lai, couh lumj umj gaiq bauj ndeu, doiq gou dauej gangj, gwnz biengz neix mbouj miz gijmaz doxgaiq lij byot gvaq Lwgvuengziq dem lo. Youq laj ronghndwen, gou cim najbyak haunyo de, cim fouq lwgda laep de, cim byoemgyaeu rumz boq mbinfofo de, gou gag naeuz: “Gou yawj ndaej raen baihrog ndwi, gij doxgaiq lai youqgaenj haenx yawj mbouj raen……”

Ndaej raen naengbak Lwgvuengziq ning geij mbat aj le couh rinnyumnyum, gou vubvubvevbe gag naeuz: “Boux Lwgvuengziq ninz ndaek neix, de gyaez duj vameizgveiq de lai, couhsuenq de ninz ndaek gvaq, gaiq ngauez duj vameizgveiq de goj lumj aendaeng nei rongh hoenz de……gou simrauej raixcaix.” Yienghneix, gou roxnyinh de engq nyomq dem lo. De couh lumj byaifeiz, rumz baez ci dauej de couh ndaep lo, gou coj deng henho ndei de dahraix. Gou laebdaeb byaij baenaj, byaij daengz mbwnmomj seiz ra raen aen mboq ndeu lo.

Ngeihcib Haj

Lwgvuengziq naeuz: “Doenghboux vunz-hek naenghci de, doxcaenx hauej ndaw cifeiz bae, hoeng gyoengqde mbouj rox yaek ra gijmaz nauq. Gyoengqde buet gwnz buet laj nyaengqnyatnyat, angqfwngfwng, baebae dauqdaueq……”

De ciepdwk naeuz: “Gyoengqde mbouj hoj baenz neix guh ne, dwgengz lai go.”

Aenmboq dou ra raen neix, mbouj lumj aenmboq ndaw Diegsa Sakhahlah. Aenmboq ndaw Diegsa Sakhahlah dwg youq ndaw sa vat aen cong h ndeu ndwi. Aenmboq neix couh lumj aenmboq lajmbanj nei. Hoeng gizneix mbouj dwg lajmbanj bw, gou naemj

gou coj dwg loqfangzbaenz dahraix……”

“Geizheih lai!” Gou naeuz Lwgvuengziq nyi, “Yienghyienh doxgaiq cungj miz bw: Miz loek, miz doengj, miz cag……”

De riuhehe, gaem saenjcag, baenq aenloek. Aenloek couh yiengj ngetnget lumj gaiq biurumz gaeuq nanznanz mbouj miz rumz ci gvaq.

“Mwngz dingq vei!” Lwgvuengziq naeuz: “Raeuz hawj aenmboq neix ndiu moq, de guhfwen lo.……” Gou yaek mbouj hawj de gag boux dog bengq saenjcag dwgengz lai. Gou naeuz de nyi:

“Hawj gou guh, hong neix naek lai.”

Gou menhmenh rag doengjraemx hwnjdauej, coq de youq bangxhenz. Gou ndaejnyi singfwen aenloek youq henz rwz gou yiengj liux yiengj moq, gou ndaej raen nditndat youq ndaw raemx ronghmyabmyab.



“Gou yaek gwn raemx.” Lwgvuengziq naeuz, “Hawj gou gwn di ndeu……”

Seizneix gou cingq rox de yaek ra gijmaz. (34)